



Inatsisartuni ilaasortaq Hans Enoksen, Siumut  
/Maani

**Angallatinut 6 meterit sinnerlugit angissusilinnut pisassiissutinin Naalakkersuisut qaqugu qaffaalersaarnersut pillugit § 37 naapertorlugu apeqqummut nr. 2013-223-mut akissut.**

02. december 2013  
Suliap normua 2013-092426  
Upp. Nr. 1395921

Postboks 269  
3900 Nuuk  
Oqarasuaat (+299) 34 50 00  
Allak (+299) 34 63 55  
E-mail: apnn@nanoq.gl  
www.nanoq.gl

### **Apeqqu 1**

*“Angallatit 6 meterit sinnerlugit angissusillit qalerallinnik aalisartut pisassaas qaqugu qaffaaffigineqassappat?”*

### **Apeqqu 1-imut akissut**

Aallarniutigalugu paasissutissiissutigisinnaavara angallatit 6 meterit sinnerlugit angissusillit aalisagartassatik tamarmiusut sulit tamakkerlugit pisarinngimmatigit.

Angallatinut taakkununga pisassiissutit pisassiissutinit nammineq pigisat aamma ukiumut pisassiissutit atorlugit ingerlanneqarput. Aamma aalisarnerq pillugu inatsit malillugu angallatit 6 meterit sinnerlugit angissusillit ukiumut pisassaminnik pisaqareersimasut pisassinneqarnissaat siunertaralugu pisassiissutit tamarmiusut qaffanneqarsinnaanngilat.

Aalisarnerq pillugu inatsit malillugu aalisartut pisassaminnik tamarmiusunik pisaqareersimasut aalisartunit allanit aalisagartassaminnik sinneqartoorteqartunit (pisassiissutit nammineq pigisat aamma ukiumut pisassiissutit) pisassiissutinin pisisinnaapput. Sineriammut qanittumi qalerallinniartartut amerlasuut pisasseeriaatsimut nutaamut naleqqusaleruttorput, tamannalu ukioq mannaannaq tunisinerit amerlassusaasigut takuneqarsinnaavoq. Ulloq manna tikillugu pisassiissutit katillugit 1,395 tonsinik amerlassuseqartut niuernerit 75-it aqqutigalugit niuerutigineqarsimapput

Taakkua saniatigit eqqaamaneqassaaq 22. august 2013-imi aalajangiunneqarmat aqutsiveqarfik Upernavik Ummannarlu tamarmik qalerallittassanik 1.000 tonsinik qaffaaffigineqarmata, qalerallittassat taakku umiatsiaararsortunut angallatinullu 6 meterit sinnerlugit angissusilinnut agguanneqarput.

Tamanna tunngavigalugu Naalakkersuisut maanna pilersaaruteqanngillat angallatinut 6 meterit sinnerlugit angissusilinnut pisassiissutinin qaffaanissamik.

Naggasiullugu oqaatigineqassaaq allatut aaqquissuussisoqassappat, soorlu immikkut pisassanik illuartitanik aalisartooreersunut imaluunniit nutaanut pisassiinissamut immik-

koortinneqarsimasunut pilersitsisoqassappat, aalisarnermut inatsimmik allanngortitsinisaq pisariaqarmat.

Inussiarnersumik inuulluaqusillunga

Karl Lyberth